

პიროტექნიკური ნაწარმის იმპორტის ნებართვა

პიროტექნიკური ნაწარმის იმპორტის ნებართვის გამცემი უფლებამოსილი ადმინისტრაციული ორგანოა საქართველოს შინაგან საქმეთა სამინისტროს საგანგებო სიტუაციების მართვის სამსახურის სსიპ „სახელმწიფო რეზერვებისა და სამოქალაქო უსაფრთხოების სერვისების სააგენტო“. სააგენტოს მიერ პიროტექნიკური ნაწარმის ექსპორტის ნებართვა გაიცემა ადმინისტრაციული აქტის საფუძველზე, რომლის შესაბამისად, ნებართვის მაძიებელს კანონმდებლობით დადგენილი პირობების დაკმაყოფილების საფუძველზე, პიროტექნიკური ნაწარმის ექსპორტის ნებართვა ენიჭება.

პიროტექნიკური ნაწარმის ექსპორტის ნებართვის მაძიებელი სააგენტოს წარუდგენს წერილობით განცხადებას. ნებართვის მიღების თაობაზე განცხადების წარდგენა ხორციელდება საქართველოს ზოგადი ადმინისტრაციული კოდექსის VI თავით დადგენილი წესით. განცხადება უნდა აკმაყოფილებდეს საქართველოს ზოგადი ადმინისტრაციული კოდექსის 78-ე მუხლით გათვალისწინებულ მოთხოვნებს.

ნებართვის მაძიებელმა პიროტექნიკური ნაწარმის ექსპორტის ნებართვის მისაღებად სააგენტოს დამატებით უნდა წარუდგინოს:

- ✓ კერძო სამართლის იურიდიული პირისა და ინდივიდუალური მეწარმისათვის სახელმწიფო რეესტრიდან ამონაწერები, ხოლო ფიზიკური პირისათვის – იდენტიფიკაციის, ასევე ბინადრობის (თუ პირი არ არის საქართველოს მოქალაქე) დამადასტურებელი, კანონმდებლობით დადგენილი საბუთების ასლები. საჯარო სამართლის იურიდიულმა პირმა განცხადებას უნდა დაურთოს სადამფუძნებლო დოკუმენტების დამოწმებული ასლები;
- ✓ ფიზიკური პირის შემთხვევაში: ცნობა მისი მსჯავრდების, ნარკოლოგიურ აღრიცხვაზე არყოფნის და ფსიქიკური მდგომარეობის შესახებ, ასევე იმ ფიზიკურ პირთა სია (ასეთის არსებობის შემთხვევაში) (სახელის, გვარის, დაბადების თარიღის, პროფესიის, სამუშაო ადგილის, პირადობის მოწმობის ნომრისა და საცხოვრებელი ადგილის მითითებით), რომლებიც სანებართვო საქმიანობაში არიან ჩართულნი, ცნობები მათი მსჯავრდების, ნარკოლოგიურ აღრიცხვაზე არყოფნისა და ფსიქიკური მდგომარეობის შესახებ;
- ✓ იურიდიული პირის შემთხვევაში: ყველა დამფუძნებლის (თუ დამფუძნებელი ფიზიკური პირია), ხელმძღვანელის, წარმომადგენლობაზე უფლებამოსილი პირების სია (სახელის, გვარის, დაბადების თარიღის, თანამდებობის, პირადობის მოწმობის ნომრისა და საცხოვრებელი ადგილის მითითებით), ცნობები მათი მსჯავრდების, ნარკოლოგიურ აღრიცხვაზე არყოფნისა და ფსიქიკური მდგომარეობის შესახებ; ასევე, შტატით გათვალისწინებული და ხელშეკრულებით მოწვეული თანამშრომლების, რომლებიც უშუალოდ ახორციელებენ სანებართვო საქმიანობას, სია (სახელის, გვარის, დაბადების თარიღის, თანამდებობის, პირადობის მოწმობის ნომრისა და საცხოვრებელი ადგილის მითითებით), ცნობები მათი მსჯავრდების, ნარკოლოგიურ აღრიცხვაზე არყოფნისა და ფსიქიკური მდგომარეობის შესახებ;

- ✓ პიროტექნიკური ნაწარმის ტექნიკური მახასიათებლების აღწერილობა, მათ შორის, სახელწოდების, რაოდენობის, შესაბამისი კატეგორიისა და მწარმოებელი ქვეყნის მითითებით;
- ✓ სანებართვო ქმედების შესაბამისი ხელშეკრულება/განზრახულობათა ოქმი ან ასლი;
- ✓ მწარმოებლის მიერ გაცემული პიროტექნიკური ნაწარმის წარმოშობის დეკლარაცია და შესაბამისობის დამადასტურებელი სერტიფიკატი, რომელიც წარმოდგენილი უნდა იქნეს მწარმოებლის მიერ გაცემული სახით, ნოტარიულად დამოწმებული ქართულენოვანი თარგმანით;
- ✓ სახიფათო ტვირთის გადაზიდვისთვის განკუთვნილი სპეციალიზებული სატრანსპორტო საშუალებების ფლობის დამადასტურებელი დოკუმენტი, გარდა იმ შემთხვევისა, როდესაც იმპორტიორი პიროტექნიკური ნაწარმის რეალიზაციას ახორციელებს საბაჟო ტერიტორიიდან;
- ✓ სანებართვო მოსაკრებლის და „სამოქალაქო უსაფრთხოების შესახებ“ საქართველოს კანონით განსაზღვრული, ნებართვის გაცემის საფასურის გადახდის დამადასტურებელი საბუთები.

„სალიცენზიო და სანებართვო მოსაკრებლების შესახებ“ საქართველოს კანონით, პიროტექნიკური ნაწარმის იმპორტის ნებართვისთვის დადგენილი სანებართვო მოსაკრებელი განსაზღვრულია 200 ლარის ოდენობით.

ნორმატიული აქტები:

- ✓ საქართველოს კანონი „ლიცენზიებისა და ნებართვების შესახებ“
<https://www.matsne.gov.ge/document/view/26824?publication=120>
- ✓ საქართველოს კანონი „სალიცენზიო და სანებართვო მოსაკრებლების შესახებ“
<https://matsne.gov.ge/document/view/12880?publication=93>
- ✓ საქართველოს მთავრობის 2025 წლის 28 მარტის N94 დადგენილება „პიროტექნიკური ნაწარმის იმპორტის, ექსპორტის, წარმოების ან/და რეალიზაციის ნებართვის/ლიცენზიის გაცემის წესისა და პირობების დამტკიცების თაობაზე“
<https://matsne.gov.ge/ka/document/view/6460264?publication=0>